



www.BibleForChildren.org


Mwanduso 1



Baho mwanduso, Mulungu
kalumba ulanga na isi
yose na chila
chinhu chili
umo, . . .



. . . nayo isi ikala yabule umbo
hebu yabule chinhu chochose.
Na ziza dikala digubika
mchanyha ya mazi, Muhe
wa Mulungu kakala
katanda uchany'ha
ya mazi.



Maabaho Mulungu kalonga, “Dilawilile bung'hulo” na bung'hulo dilawilila. Bung'hulo kaditanga “Misi” na ziza kaditanga “Chilo.” Iwa imitondo iwa ichigulogulo siku ya mwanduso.



Maabaho Mulungu kalonga, “Hanhu hagati ya mazi hayagole yamazi banzi mbili.” Mulungu kahatanga hanhu baho “Langa.” Iwa imitondo iwa ichigulogulo, siku yekaidi.




Maabaho Mulungu kalonga, “Mazi yeli hasi ya ulanga yaiduganye hanhu hamwe, idahe kulawilila hanhu hanyalile.” Ilawilila ivo. Mulungu kahatanga hanhu hanyalile “Isi” na hanhu hayaiduganye yamazi hamwe kahatanga “Bahali.” Mulungu kawona kuwa vinoga.



Maabaho Mulungu kalonga, “Isi yoteze chila modeli ya mimeya yoikwima mbeyu zake na chila modeli ya mibiki yoikwima matunda yeli na mbeyu zozigendelela koteza mimeya imwenga ya modeli yake.”



Ilawilila ivo. Iwa imitondo iwa ichigulogulo, siku yetatu.




Maabaho Mulungu katenda mabung'hulo maida
makulu, zua dimwemwese imisi na
mwezi umwemwese ichilo,
iviya kausa nhondo. Iwa
imitondo iwa ichigulogulo
siku yekane.



Maabaho Mulungu kalonga,
“Mazi yamemezwe vilumbe
vili na ugima na langa
dimemezwe ndege
woguluka.” Iwa
imitondo iwa
ichigulogulo,
siku yetano.




Maabaho Mulungu kalonga, “Leka isi ilave chila modeli mbasakanyo ya vilumbe vili na ugima, wanyama wowofugigwa na wang'onyo wotambala na wanyama wa kumbago,” ilawilila ivo.



Maabaho Mulungu kalonga, “Lelo chimulumbe munhu yalingile fana cheye. Yatawale somba wa mwiibahali na ndege woguluka na wanyama wowofugigwa na isi yose na wang'onyo wose wowotambala.” Mulungu kalola chila chinhu chiyatendile, kawona kweli vinoga ng'hani. Iwa imitondo iwa ichigulogulo, siku yesita.



Maabaho Mndewa Mulungu kamsola mulume iyo na kamwika muna mgunda wa Edeni yachilime na yachilolese.




Mndewa Mulungu kamulongela, “Kodaha kuja matunda ya mbiki wowose muna umgunda, mbali sekeuje matunda ya mbiki wa kuyamanya yanogile na yehile, mana siku dondauje matunda ya mbiki uwo, kweli kwizadanganika.”



Ivo mulume iyo kaweng'ha
mazina wanyama wofugigwa na
ndege woguluka na wanyama
wa kumbago, mbali habule hata
imwe yoyofaya kumtaza.



Maabaho Mndewa Mulungu kamgalila mulume iyo
vuwevuwe da nhongo na viyakalile muna zinhongo,
kasola lubavu lwake lumwe na kahagubika hanhu
baho kwa nyama. Mndewa
Mulungu kamulava muke
muna ulubavu lolusoligwe
kulawa kwa mulume
iyo, na kamgala kwa
mulume iyo.



Lekamana mulume kowaleka tati yake
na mami yake na koilumba na muke
wake, nawo wokuwa lukuli lumwe.



Kwaviya Mulungu kawalonda wanhu wa
isi yose mbaka kamulava Mwanage
nyachende, muladi chila munhu
yoyomtogola sekeyadanganike,
mbali yawe na ugima
wa siku zose.



Waloma 3:23

kwaviya wanhu wose watenda uhasanyi na
kuhungukiligwa na utunhizo wa Mulungu.

Waloma 6:23

Yombe da uhasanyi ni ifa, mbali chitumetume cha
Mulungu ni ugima wa siku zose muna ukuilumba na
Chilisito Yesu, Mndewa wetu.

Waebulaniya 9:27

Chila munhu kolondeka yadanganike teng'hu,
na maabaho yatagusigwe na Mulungu.



Waefeso 2:8,9

Kwaviya kwa unovu wa Mulungu mukomboligwa kwa nzila ya uhuwilo. Mbuli ino hailawa kumwenu mweye wenyewo, mbali chitumetume cha Mulungu. Wala hailawa kwa sang'hano zenu wenyewo, ivo munhu yoyose sekeyaigode.

Waloma 10:9,10

One uhatogola kwa mulomo wako Yesu ni Mndewa na uhahuwila muna umoyo wako kuwa Mulungu kanzilibula kuwadanganike, kwizakomboligwa. Kwaviya kwa moyo munhu kohuwila na kopetigwa kanoga haulongozi wa Mulungu, na kwa mulomo kotogola na kukomboligwa.



Yohana 3:16,17

Kwaviya Mulungu kawalonda wanhu wa isi yose mbaka kamulava Mwanage nyachende, muladi chila munhu yoyomtogola sekeyadanganike, mbali yawe na ugima wa siku zose. Mulungu hamtumile Mwanage mwiisi yawataguse wanhu muna isi, mbali kamtuma yawakombole.

1 Yohana 5:11-13

Na ukalangama wenyewo uwo uno, Mulungu kaching'ha ugima wa siku zose, na ugima uwo wopatika kwa nzila ya Mwanage. Munhu yoyose yeli na Mwana wa Mulungu kana ugima uwo, munhu yoyose yelibule Mwana wa Mulungu kabule ugima uwo. Nomwandikilani mbuli zino mweye womudihuwila zina da Mwana wa Mulungu muladi muvimanye kuwa muna ugima wa siku zose.



Mwanduso 1-2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: Bob Davies, Tammy S.

Kwere Bible (cwe) © 2014 Pioneer Bible Translators and
The Word for the World

OT © 2019 Pioneer Bible Translators

<https://www.bible.com/bible/1125/GEN.1.CHING'HWELE>

©2026 Bible for Children, Inc.

www.M1914.org

www.bibleforchildren.org

